

Broj: 01-45-1-05895-6/2020
Sarajevo, 30.4.2021. godine

Na osnovu čl. 70. stav (1), 88. i 89., Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja Preporuke Komisije za javne nabavke broj: 01-45-1-05895-5/2020 od 29.4.2021. godine godine, Direktor Federalne uprave za inspekcijske poslove u ime ugovornog organa, donosi

O D L U K U
o dodjeli ugovora o nabavci roba – 2 (dva) prenosna računara

I

Prihvata se preporuka Komisije za javne nabavke broj 01-45-1-05895-5/2020 od 29.4.2021. godine, te se Ugovor o javnoj nabavci roba – 2 (dva) prenosna računara dodjeljuje ponuđaču „UNI-EXPERT“ d.o.o. Sarajevo, čija ponuda broj 21-V05207 od 26.4.2021. godine je ocijenjena najpovoljnijom.

II

Predmet nabavke su 2 (dva) prenosna računara Lenovo Notebook, Yoga 6, 2 in 1, PN 82 FN003TUS + Windows 10 Pro eng 64-bitni.

III

Ugovor sa ponuđačem „UNI-EXPERT“ d.o.o. Sarajevo, zaključit će se pod slijedećim uslovima:

- ukupna cijena ponude iznosi: 3.466,68 KM bez uračunatog PDV-a, odnosno sa PDV-om 4.056,02 KM
- ugovor će se zaključiti na period do izvršenja predmeta ugovora, odnosno isporuke roba koje su predmet nabavke
- rok plaćanja: plaćanje će se izvršiti u roku od 30 (trideset) dana od dana prijema fakture
- finansiranje nabavke će se izvršiti iz sredstava Projekta „Pomoć Bosni i Hercegovini u poboljšanju kvaliteta zraka u upravljanju kvalitetom zraka“.

IV

Ova odluka će se objaviti na web stranici Federalne uprave za inspekcijske poslove.

O b r a z l o ž e n j e

Odlukom direktora uprave broj 01-45-1-05895-3/2020 od 14.4.2021. godine pokrenut je direktni postupak nabavke roba- 2 (dva) prenosna računara, a procijenjena vrijednost nabavke je 4.000,00 KM bez PDV-a. Predmetne robe su namjenjene za potrebe dvije osobe koje su angažovane za obavljanje stručno-tehničkih poslova i podrške u radu federalnih inspektora kod provođenja propisa iz oblasti zaštite okoliša u Federalnoj upravi za inspekcijske poslove, shodno ugovoru o regulisanju međusobnih prava i obaveza u vezi implementacije projekta pomoći Bosni i Hercegovini u poboljšanju zraka zaključenim sa CETEOR d.o.o. Sarajevo koji je sa Švedskom agencijom za zaštitu okoliša zaključio ugovor o administrativnoj pomoći za projekat „Pomoć Bosni i Hercegovini u poboljšanju kvaliteta zraka“. Finansiranje nabavke je iz sredstava navedenog projekta.

Dana 20.4.2021. godine na adrese tri potencijalna ponuđača je upućen poziv za dostavljanje ponude, u kojem su navedene tehničke karakteristike koje trebaju ispunjavati robe koje se nabavljaju, kao i ostali uvjeti konkretne nabavke, te je utvrđen rok za dostavljanje ponuda 28.4.2021. godine do 12,00 sati.

U ostavljenom roku svoje ponude su dostavili ponuđači „Emado“ d.o.o. Sarajevo, „Imel“ d.o.o. Lukavac i „UNI-EXPERT“ d.o.o. Sarajevo.


Izvršenim uvidom u dostavljene ponude, komisija je konstatovala da su ponuđači tražene robe ponudili po ukupnim cijenama, kako slijedi:

Naziv/ime ponuđača	Ukupna cijena ponude bez PDV-a
„Emado“ d.o.o. Sarajevo	3.600,00 KM
„Imel“ d.o.o. Lukavac	3.660,00 KM
„UNI-EXPERT“ d.o.o. Sarajevo	3.466,68 KM

Obzirom na navedeno, a u skladu sa kriterijem „najniža cijena“ komisija je pripremila preporuku kojom je direktoru uprave predloženo da donese odluku kojom će se ugovor za nabavku dva prenosna računara dodijeliti ponuđaču „UNI-EXPERT“ d.o.o. Sarajevo, čija ponuda je ocijenjena najpovoljnijom.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke žalba nije dopuštena.

**DIREKTOR**
Anis Ajdinović

Dostaviti:

1. „Emado“ d.o.o. Sarajevo, Azize Šaćirbegović 112, 71000 Sarajevo
2. „Imel“ d.o.o. Lukavac, Skendera Kulenovića bb, 75300 Lukavac
3. „UNI-EXPERT“ d.o.o. Sarajevo, Branislava Nušića 162, 71000 Sarajevo
4. Kabinet direktora
5. Sektor za materijalno-finansijske i tehničke poslove
6. Sektor za tehničku podršku i plansko-analitičke poslove
7. Komisija za javne nabavke (a/a).